

40 DAYS FAST AND PRAYER BOOKLET



Mengasihi Sesama – Panduan Berdoa 40 Hari 2009



A SHINING LIGHT TO THE NATIONS

Versi Kanak-Kanak

NATIONAL EVANGELICAL CHRISTIAN FELLOWSHIP MALAYSIA

Mengasihi Sesama

-Kasih Tuhan BERSINAR terang melalui diri saya

Terima kasih Bapa untuk kasih dan anugerah-Mu yang Engkau curahkan ke atas semua orang

Terima kasih Bapa untuk kasih-Mu yang kekal selama-lamanya!

Kasih-Mu sangat dalam dan lebar untuk saya fahami

Bagaimana saya dapat mengena; betapa dalamnya kasih-Mu kepada saya? Mengapakah Engkau melihat ku berharga dimata-Mu?

Dari hati yang mengasihi

Wahai anak-anak,

Adakah anda mengasihi Tuhan?

Saya tahu ramai diantara anda mau melayani Tuhan dengan sungguh-sungguh. Anda tahu bahawa Dia Tuhan yang baik dan sentiasa menjaga anda. Dalam Lukas 12:6-7, Yesus berkata bahawa Tuhan mengambil berat semua perkara termasuk hal yang kecil seperti seekor burung pipit. Kasih-Nya kepada anda lebih daripada kasih-Nya kepada seekor burung pipit. Dia bahkan tahu akan jumlah helaian rambut di kepala anda.

Dapatkah anda bayangkan betapa Dia sangat mengasihi anda?

Sebagai anak-anak Tuhan, kita harus memberikan sepenuh hati kita kepada-Nya. Tuhan memerintahkan kita untuk mengasihi-Nya dengan segenap hati, jiwa, akal fikiran dan segenap kekuatan kita. Dalam kata lain, mengasihi Tuhan dengan SEGENAP hidup kita!

Ada satu perintah yang penting, sangat penting – mengasihi sesama mu seperti diri mu sendiri. Yesus membuat kesimpulan 2 perintah Tuhan dalam Markus 12:28-31.

Anak-anak, adakah anda mengasihi Tuhan?

Yesus berkata, anda akan mengikuti perintah-Nya jika anda mengasihi Dia. Jika anda benar-benar mengasihi seseorang, anda akan melakukan hal yang dikehendaki oleh orang yang anda kasihi.

Jadi, jika anda mengasihi Tuhan, anda harus bertanya pada diri anda sendiri, “adakah saya mengasihi sesama ku? Adakah sesama ku termasuk jiran saya?”

Seorang pengajar undang-undang didalam alkitab juga ingin tahu lalu dia bertanya kepada Yesus, “Siapakah yang dimaksudkan dengan sesamaku?”

Yesus menjawab dengan menceritakan cerita mengenai Orang Samaria yang baik hati (Lukas 10:30-37).

“30...Adalah seorang yang turun dari Yerikho; dia jatuh ke tangan penyamun-penyamun yang bukan saja merompaknya habis-habisan, tetapi juga memukulnya dan yang sesudah itu pergi meninggalkannya setengah mati.

31... kebetulan ada seorang imam turun melalui jalan itu; dia melihat orang itu, tetapi melewatinya dari seberang jalan.

32... demikian juga seorang Lewi datang ke tempat itu; ketika dia melihat orang itu, dia melewatinya dari seberang alan.

33... lalu datang seorang Samaria, yang sedang dalam perjalanan, ke tempat itu; dan ketika dia melihat orang itu, tergeraklah hatinya oleh belas kasihan.

34... Dia pergi kepadanya lalu membalut luka-lukanya, sesudah dia menyiraminya dengan minyak dan anggur. Kemudian dia menaikkan orang itu ke atas keldai tunggangannya sendiri lalu membawanya ke tempat penginapan dan merawatnya.

35... keesokan harinya, dia menyerahkan dua dinar kepada pemilik penginapan itu, katanya; Rawatlah dia dan jika kau belanjakan lebih dari ini, aku akan menggantikannya, waktu aku kembali.

36... Siapakah di antara ketiga orang ini, menurut pendapatmu, adalah sesama manusia dari orang yang jatuh ke tangan penyamun itu?

37... jawab orang itu: "Orang yang telah menunjukkan belas kasihan kepadanya"

Jadi, adakah jiran anda termasuk dalam golongan sesamamu?

Ya...bahkan lebih daripada itu. Jiran anda adalah sesiapa sahaja, khususnya mereka yang memerlukan pertolongan dari anda. Seperti orang yang ditimpa malang dalam cerita tadi, sesamamu adalah orang-orang yang dalam kesusahan dan memerlukan pertolongan anda.

Kasih bukan sekadar perkataan, namun perbuatan.

Ini adalah kisah mengenai seorang gadis bernama Eileen.

Sewaktu di gereja, Eileen mempelajari cerita dari gurunya tentang kanak-kanak yang berada di seluruh dunia. Dia memikirkan mengenai kanak-kanak yang tinggal di Negara China, India, Alaska, Australia dan Afrika. Dia berfikir bahawa kehidupan mereka pasti berbeza namun dia merasakan bahawa dia dekat dengan kanak-kanak tersebut kerana mereka mempunyai banyak persamaan. Selepas gurunya selesai bercerita, Eileen mendekati gurunya dan berkata “ Saya mengasihi semua anak-anak Bapa”.

Tidak lama kemudian, di dalam kelas, Peter datang dan duduk di sebelah Eileen. Peter baru saja berpindah ke bandar tersebut dan penampilannya tidak kemas. Cara dia bercakap agak lucu dan rambutnya disikat dengan gaya yang pelik. Eileen sendiri pernah mengetawakan Peter sebelum ini. Peter duduk di sebelah Eileen lalu menegurnya dan berkata “Hi”, terdengar beberapa orang kawannya sedang mengetawakannya. Eileen merasa malu untuk duduk disebelah Peter lalu dia meninggalkannya tanpa berkata apa-apa.

Sepanjang kelas berlangsung, Eileen merasa kurang selesa dalam hatinya. Dia berulang kali memandang ke arah Peter yang duduk keseorangan sambil merasa malu di atas apa yang terjadi. Eileen berharap agar dia dapat melakukan hal yang benar. Dia teringat akan peristiwa lalu dimana dia diketawakan oleh teman-temannya kerana melakukan perkara yang baik. Perasaan bersalah mula menyelubunginya dan dia teringat bagaimana dia merasa malu kerana sikapnya yang berbeza dari teman-teman yang lain.

Setelah kelas berakhir, Eileen mendekati Peter dan memegang tangannya sambil berkata “Maafkan saya kerana menjauhkan diri dari anda tadi, mahu kah anda berjumpa dengan saya sewaktu masa rehat besok?” Wajah Peter bersinar dengan kegembiraan dan Eileen tidak merasa bersalah lagi.

Seperti yang anda perhatikan, mengasihi sesamamu bukanlah sekadar perasaan di dalam hati namun disusuli dengan tindakan. Sangat penting bagi kita untuk menginginkan yang terbaik bagi orang lain dan melakukannya pada mereka.

“Kurangkan berkata-kata...ambilah penyapu dan bersihkan rumah seseorang. Itu sudah cukup” – Mother Teresa

Bagaimana kita menunjukkan kasih kita kepada negara kita Malaysia?

Berdoa untuk orang yang disekitar kita

Di Malaysia, ramai orang yang memerlukan doa dari kita. Sepanjang 40-hari Doa dan Puasa, mari kita berdoa untuk sesama kita, orang di sekitar kita. Kumpulan orang yang memerlukan doa kita adalah:

- **Mereka yang miskin:** Mereka yang kekurangan atau yang tidak mempunyai wang yang cukup.
- **Mereka yang tersisih:** Mereka yang disisihkan dari masyarakat kerana cara hidup mereka.
- **Mereka yang dari Negara lain:** Mereka yang datang dari negara lain untuk bekerja di Malaysia.
- **Suku asli bumiputera:** Golongan bumiputera Sabah, Sarawak dan Orang Asli semenanjung.

Kita juga berdoa agar ada keadilan di dalam negara kita agar kesusahan yang dialami oleh mereka yang memerlukan dapat dikurangkan. Kita berdoa agar Malaysia menjadi negara yang mengambil berat keadaan mereka yang memerlukan.

Jadi anak-anak, adakah anda bersedia untuk berdoa?

Peringatan Penting!

BERDOA DENGAN FIRMAN TUHAN

Bila kita berdoa, sebaiknya kita berdoa dengan firman Tuhan. Mengapa?

Tuhan berkata:

“Demikianlah firman-Ku yang keluar dari mulut-Ku; ia tidak akan kembali dengan sia-sia, tetapi ia akan melaksanakan apa yang Ku kehendaki, dan akan berhasil dalam apa yang Ku suruhkan kepadanya” –Yesaya 55:11

Berdoa dengan firman Tuhan adalah berkesan kerana...

Apabila kita mengucapkan firman Tuhan didalam doa kita, perkataan-Nya tidak akan kembali dengan sia-sia. Ini bermaksud Tuhan akan melakukan sesuatu kerana kita sedang mendoakan apa yang ada di dalam hati-Nya. Ada kuasa dalam perkataan yang kita ucapkan melalui doa kita dan pasti menghasilkan buah!

Mari kita lihat satu contoh:

Seandainya anda mahu meminta Tuhan untuk mengasihi sesama mu, anda boleh berdoa...

Bapa,

Mazmur 139:1-4

Engkau menyelidiki dan mengenal aku; Engkau mengetahui, kalau aku duduk atau berdiri, Engkau mengerti fikiranku dari jauh. Engkau memeriksa aku, kalau aku berjalan dan berbaring, segala jalanku Kau maklumi. Sebab sebelum lidahku mengeluarkan perkataan, sesungguhnya semua telah Kau ketahui ya TUHAN.

Mazmur 139:23-24

Selidikilah aku, ya ALLAH, dan kenallah hatiku, ujilah aku dan kenallah fikiran-fikiranku; lihatlah, apakah jalanku serong, dan tuntunlah aku di jalan yang kekal.

Markus 12:31 - ...kasihilah sesamamu manusia seperti dirimu sendiri.

Bapa, bantu saya untuk mengasihi sesama ku seperti diri ku sendiri, kerana itulah salah satu hukum yang terutama di dalam alkitab.

John 14:15 – Jika kamu mengasihi Aku, kamu akan menuruti segala perintah-Ku

Engkau berkata sekiranya saya mengasihi-Mu, Engkau akan melakukan seperti yang Engkau katakan,

Bapa, bantu saya untuk melakukan seperti yang Engkau katakan,

Berikan ku hati yang mengasihi sesamaku,

Kerana saya mengasihi Mu dan mau mentaati Mu,

Bantu saya untuk mengasihi sesamaku.

Dalam nama Yesus, saya berdoa, amen!

Setiap hari, ada beberapa ayat yang akan diselitkan bersama perkara doa. Baca ayat-ayat ini sebelum berdoa. Ianya pasti membawa perubahan! Lakukanlah!

MINGGU 1: HARI 1 – 4

Bersatu untuk mengasihi sesamamu

DIIKAT DENGAN KASIH TUHAN

Saya melayani sebagai pegawai di dalam Girl's Brigade di Kuching sejak 1985. Girl's Brigade adalah badan beruniform antarabangsa Kristian dari berbagai-bagai denominasi gereja. Motonya adalah "Cari, Layani dan Mengikuti Kristus". Aktiviti-aktiviti di dalam Girl's Brigade adalah berdasarkan empat aspek – kerohanian, fizikal, pendidikan dan sosial. Keanggotaan dibuka kepada gadis-gadis yang berumur 6 ke atas (yang bukan beragama islam)

Saya seronok bekerja dikalangan gadis-gadis ini dan membawa mereka berjumpa dengan Yesus dan melihat Tuhan bekerja di dalam hidup mereka, membentuk mereka menjadi wanita yang sempurna di mata Tuhan. Saya juga berterima kasih kepada Tuhan di atas persahabatan yang terjalin diantara kami, pegawai-pegawai Girl's Brigade, di masa susah mahupun senang.

Pada satu hari, sewaktu sesi pujian dan penyembahan, TUHAN berkata kepada saya untuk menyatakan hal ini: "Berdiamlah dan dengarkan apa yang Tuhan ingin katakan kepada mu". Sewaktu sesi renungan firman Tuhan, beberapa orang gadis mengongsikan pengalaman mereka. Seorang mengatakan "Tuhan meminta saya untuk mengampuni kawan saya". Seorang lagi mengatakan "Yesus menyuruh saya untuk taat pada ibubapa saya". Gadis yang lain pula berkata, "Tuhan menyuruh saya untuk melakukan hal yang baik kepada kawan saya". Banyak kali saya mendapat dorongan dari Tuhan melalui kesaksian-kesaksian gadis-gadis ini.

Pada 4hb April 2009, saya mengajarkan "Yesus mahu saya tahu bahawa saya adalah miliknya". Lalu saya bertanya kepada gadis-gadis di dalam Girl's Brigade, "Adakah anda yakin bahawa anda sudah menjadi milik Kristus?" Seorang gadis berkata "Saya tahu bahawa saya miliki Kristus kerana saya menulis nama saya di dalam Buku Kehidupan di Syurga sewaktu saya berada di kem"

Pada waktu itu, Tuhan menyuruh saya sekali lagi meneguhkan apa yang saya sudah kongsikan kepada mereka di kem Girl's Brigadeada lima bulan yang lalu. Saya sudah melayani Tuhan didalam Girl's Brigade lebih daripada 16 tahun. Melalui ini, Tuhan membuka mata saya untuk melihat bahawa setiap kita melayani dan menyembah Tuhan yang sama. Saya dapat melihat Tuhan bekerja didalam kehidupan gadis-gadis ini walaupun mereka berbeza bangsa dan latar belakang gereja. Saya sudah dapat mengasihi dan menerima setiap diri mereka. Mengapa saya harus pilih kasih sedangkan Tuhan tidak pilih kasih?

PERHATIKAN KEADAAN KITA TERLEBIH DAHULU

Menjadi orang Kristian yang bersatu

Seperti Tuhan mengasihi semua anak-anak gadis didalam Girl's Brigade, kita juga harus belajar untuk menerima dan mengasihi satu dengan yang lain. Tidak kiralah anda dari gereja mana, apa yang penting adalah kita menyembah Tuhan yang sama dan Dia tidak melihat apa-apa perbezaan antara kita. Dia mengasihi setiap orang dan janganlah kita berhenti dari melakukan hal yang penting iaitu menjangkau sesama kita dengan hati yang murni. Marilah kita sebagai anak-anak ALLAH untuk bersatu dan meminta Tuhan untuk memberikan hati yang mengasihi Negara kita.

Tanya diri anda... (sila tuliskan jawapan anda di dalam kotak yang disediakan)

Pernahkah saya merasa bahawa saya lebih baik dari orang-orang yang berada di gereja dan denominasi lain?

Pernahkah saya merasa khawatir sekiranya ada orang-orang Kristian lain yang lebih baik dari saya?

Sekiranya anda pernah merasakan hal-hal yang di atas (saya percaya ramai diantara kita pernah mengalaminya!), mintalah pengampunan dari Tuhan. Minta Tuhan untuk membuka mata kita untuk melihat bahawa setiap kita adalah sama di mata Tuhan. Dia tidak mahu anda bertanding atau memburukkan satu dengan yang lain. Dia ingin anda menerima, membantu dan member dorongan kepada yang lain. Itulah yang dimaksudkan sebagai mengasihi satu sama lain.

Minggu ini kita akan berdoa agar Tuhan menyatukan kita untuk bersatu dan mengasihi sesama kita.

DOAKAN

Hari-1 (22 Julai, Rabu)

Perubahan hati dan fikiran

(Mzm 139:23-24; Mzm 51)

- Mengarahkan hati anda kepada Tuhan. Memohon pengampunan daripada-Nya sekiranya terdapat rasa iri hati dan tidak jujur dari diri anda terhadap orang lain dan sekiranya anda kurang mengasihi dan mengambil berat orang lain.
- Memperbaiki hubungan dengan orang lain. Meminta Tuhan untuk memperbaiki hubungan persahabatan yang mulai pudar antara orang-orang Kristian.

Hari – 2 (23 Julai, Khamis)

Cintai Malaysia

(Kis 17:26, Kejadian 13:14-15, Rut 1:16-17)

- Bersyukur pada Tuhan atas berkatnya dan diatas kepelbagaian kaum yang ada di Negara kita. Minta Roh Kudus untuk menyatakan kepada kita sekiranya kita masih kurang mengasihi Negara kita.
- Minta Tuhan untuk mencurahkan berkat-Nya bagi negeri atau Bandar yang kita diami.
- Berdoa agar ada kedamaian diantara kaum-kaum di Malaysia.
- Berdoa agar orang-orang Kristian akan memberikan sepenuh hati mereka kepada Tuhan dan bertekad untuk menghormati dan mengasihi Negara ini.

Hari – 3 (24 Julai, Jumaat)

Mengasihi rakyat Malaysia

(Roma 9:3; Matius 9:35-38)

- Mohon pengampunan dari Tuhan sekiranya kita memandang rendah dan tidak mengasihi suku kaum lain di Malaysia.
- Berdoa bagi rakyat Malaysia yang belum pernah mendengar atau diubah oleh kasih Tuhan. Berdoa agar TUhan melembutkan hati mereka dan lebih ramai orang Kristian untuk menjangkau mereka.
- Berdoa agar gereja-gereja Tuhan memiliki visi dan semangat yang membara. Doakan agar lebih banyak gereja ditubuhkan bagi kumpulan orang yang belum pernah mendengar cerita mengenai Tuhan.

Hari – 4 (25 Julai, Sabtu)

Gereja akan bersatu untuk mengasihi Negara dan orang-orang disekitar kita.

- Minta Tuhan untuk mengampuni gereja-gereja yang angkuh, bertanding dan kurang mempercayai satu dengan yang lain.
- Berdoa agar TUHAN terus bekerja diantara gereja-gereja yang ada agar mereka bersatu dan diberi kemampuan untuk bekerjasama dalam membantu komuniti di sekitar mereka.

MINGGU KE-2 : HARI KE-5 – 11

Mengasihi sesama kita yang dalam kemiskinan dan yang disisihkan

Temuramah bersama Rev. Henry, presiden dan pengasas sebuah organisasi sosial...

Bagaimana anda dan kumpulan anda menunjukkan kasih anda kepada orang lain?

Kami berusaha sebaik mungkin untuk membantu orang yang benar-benar memerlukan dan mereka yang terpinggir atau disisihkan. Dasar bagi pengajaran kekristianan menekankan betapa pentingnya untuk kita mengasihi dan memiliki belas kasihan.

Apa yang diperlukan untuk mengasihi orang lain?

Untuk mengasihi orang lain, kita haruslah mengambil berat, mengongsikan dan tidak mengharapkan apa-apa sebagai balasan. Ini merupakan sebahagian daripada hal yang dilakukan oleh orang-orang yang penuh dengan kebaikan. Inilah yang kami maksudkan dengan mengasihi sesamamu.

“Berusaha sebaik mungkin untuk membantu orang-orang yang memerlukan dan mereka yang terpinggir atau disisihkan tanpa mengharapkan balasan”- ini hanya terletak pada hati orang yang mengasihi sesamanya. Kedua-dua hal inilah yang ditekankan oleh Rev. Henry mengenai sikap yang harus kita miliki dalam mengasihi orang lain.

Yesus berkata:

‘Dan sesiapa pun yang memaksa engkau berjalan sejauh satu mil, berjalanlah bersama sejauh dua mil.’- Matius 5:41

‘Dan jikalau kamu mengasihi orang yang mengasihi kamu, apakah jasmu? Kerana orang-orang berdosa pun mengasihi juga orang-orang yang mengasihi mereka.’- Lukas 6:32

Yesus dengan jelas mengajar kita untuk melakukan lebih dari apa yang ‘normal’ atau yang ‘wajar’ kita lakukan. ‘Berjalan satu mil’ dan tidak mengharapkan apa-apa sebagai balasan dari orang lain adalah sesuatu yang jarang dilakukan oleh kebanyakan kita. Tanpa TUHAN, itulah yang akan kita fikirkan dan lakukan sebab itulah yang difikirkan dan dilakukan oleh dunia. Namun, oleh kerana kasih TUHAN ada di dalam kita, kita boleh menjadi LEBIH dari orang yang tidak mengenal TUHAN – kita mampu member lebih dari yang diharapkan, kita mampu mengasihi sesama kita seperti kita mengasihi diri kita sendiri. Oleh kerana TUHAN telah mencurahkan kasih-Nya kepada kita, kita yang telah menerima kasih-Nya juga mampu untuk mengasihi orang lain.

Rev. Henry adalah satu contoh orang Kristian yang menghidupi perintah TUHAN untuk saling mengasihi sesamanya. Organisasi yang dikendalikannya (Perkhidmatan Sosial dan Pembangunan Komuniti) fokus dalam membantu golongan ibu tunggal dan anak-anak mereka. Suatu tepukan gemuruh untuk Rev. Henry dan pasukannya, dan organisasi lain yang telah dengan rela mengasihi orang lain.

Mari kita melakukan hal yang sama

Tanyakan kepada diri anda sendiri...

***Sewaktu saya melakukan kebaikan pada orang lain, apa yang saya harapkan dari mereka?
(ucapan terima kasih sudah memadai)***

Bagaimana saya dapat memberi kepada orang lain tanpa mengharapkan apa-apa sebagai balasan? (Baca apa yang tertulis di atas untuk mendapat gambaran jawapan yang patut anda berikan. Minta bantuan dari orang Kristian yang lebih dewasa dari anda untuk menngetahui jawapan mereka)

Minggu ini, kita berdoa untuk orang miskin dan golongan yang disisihkan dari komuniti.

Hari ke-5 (26 Julai, Ahad)

Menunjukkan rasa belas kasihan kepada orang lain

(Yakobus 2:14-17; Yohanes 3:18)

- Berdoa agar ada pembaruan fikiran dan hati yang berbelas kasihan dalam diri kita.
- Minta TUHAN untuk menunjukkan cara-cara yang praktikal untuk membantu orang lain.
- Berdoa agar umat Kristian memiliki visi yang sama untuk Kerajaan ALLAH dan bukannya visi peribadi.

Hari ke – 6 (27 Julai, Isnin)

Orang-orang miskin akan dibebaskan dari kesengsaraan dan kemiskinan

(Matius 25:31 – 46)

- Minta TUHAN memberikan anda hati yang berbelas kasihan kepada orang-orang miskin dan golongan yang terpinggir.
- TUHAN akan mendengar tangisan dari mereka yang mengalami kesengsaraan dan membebaskan mereka.

Hari ke – 7 (28 Julai, Selasa)

Kerajaan akan menghapuskan kemiskinan

(Amsal 22:22 – 23)

- Berdoa menentang peraturan atau undang-undang yang tidak mengambil berat golongan yang miskin.
- Kerajaan akan berazam untuk menghapuskan kemiskinan dan mereka akan memerhatikan keperluan golongan yang miskin.
- Mereka yang memiliki perniagaan sendiri akan membantu golongan yang miskin dengan memberi peluang pekerjaan kepada mereka.

Hari ke – 8 (29 Julai, Rabu)

Pekerja yang memiliki pendapatan yang rendah dan mereka yang bekerja sebagai buruh kasar
(Mazmur 82: 3 – 4; Mazmur 140: 12)

- Golongan yang berpendapatan rendah tidak akan diperlakukan dengan tidak adil.
- Gereja- gereja memiliki visi yang besar untuk mengambil berat keperluan golongan ini.
- Gereja-gereja memiliki hikmat untuk mengajar golongan ini untuk mempraktikkan firman TUHAN dalam kehidupan sehari-hari.
- Berdoa untuk perlindungan TUHAN ke atas golongan ini.

Hari ke – 9 (30 Julai, Khamis)

Gereja-gereja akan menjangkau golongan miskin

(Matius 5:16; Amsal 28:27)

- Gereja-gereja akan memikirkan cara yang efektif untuk menjangkau golongan miskin.
- Pihak berkuasa akan bekerjasama dengan gereja untuk melakukan strategi tersebut.
- Kelompok sel atau persekutuan keluarga gereja akan menjangkau golongan ini.

Hari ke – 10 (31 Julai, Jumaat)

Gereja-gereja akan menyampaikan kabar baik kepada golongan miskin.

(Lukas 4:18-19)

- TUHAN akan membuka peluang kepada gereja-gereja untuk menyampaikan kabar keselamatan kepada golongan yang miskin.
- Roh Kudus akan bergerak dengan penuh kuasa di antara golongan miskin dan yang terpinggir dan mematahkan hal-hal yang menghalang mereka daripada menjalani kehidupan yang lebih baik.
- Akan ada keselamatan dikalangan golongan ini termasuk ahli keluarga mereka akan mengalami kesembuhan dari TUHAN.

Hari ke – 11 (1 Ogos, Sabtu)

Gereja-gereja akan menyampaikan injil keselamatan kepada golongan yang terpinggir

(Roma 1:16; Roma 10:14-15)

- TUHAN akan mencurahkan kasih dan belas kasihan-Nya kepada golongan yang terpinggir seperti pelacur, penagih dadah, ibu tunggal, orang yang hidup melarat dan lain-lain.
- Gereja-gereja akan bekerja sama dengan pihak kerajaan untuk membantu golongan ini.
- Minta perlindungan dari TUHAN ke atas badan bukan kerajaan (NGO) seperti Malaysian Care dan juga pusat pemulihan yang menjangkau golongan ini.

MINGGU KE – 3: HARI KE 12 – 18

Mengasihi orang-orang yang kehilangan rumah mereka dan yang serba kekurangan

NASIB GOLONGAN BUMIPUTRA ASLI

Di Sarawak, golongan bumiputra asli di sana mengalami banyak masalah mengenai tanah mereka. Sewaktu penubuhan Malaysia, suku kaum bumiputra asli telah diberi keistimewaan untuk memiliki tanah mereka sendiri. Namun yang demikian, pada hari ini, kerajaan tidak lagi menghormati hak mereka sebagai pemilik tanah yang asal. Dalam kebanyakan kes, tanah-tanah mereka diberikan kepada pemaju-pemaju tanpa pengetahuan mereka. Akibatnya, mereka mendapati tanah mereka telah dicerobohi oleh jentera-jentera berat yang memajukan tanah mereka.

Setakat ini, terdapat 200 buah kes dilaporkan dan ini menunjukkan betapa kritikalnya masalah ini. Selalunya masa yang diperlukan untuk sesuatu kes mendapat perhatian adalah enam hingga tujuh tahun. Sebahagian daripada masalah yang dihadapi oleh golongan bumiputra asli ini adalah : Kerajaan tidak mahu mengiktiraf beberapa kawasan yang menjadi milik golongan bumiputra asli ini disamping masalah yang dihadapi oleh golongan ini dalam menunjukkan bukti bahawa mereka adalah pemilik tanah yang asal. Selain itu, apabila golongan bumiputra ini membuat laporan polis, mereka selalunya diabaikan dan diberi layanan yang kurang baik.

Golongan Orang Asli di semenanjung Malaysia juga mengalami situasi yang sama berkenaan tanah mereka. Tanah yang mereka diami selama berabad-abad lamanya kini diambil sedikit demi sedikit. Keadaan ini telah menimbulkan kemarahan dikalangan mereka.

PENAMBAHAN GOLONGAN PENDATANG ASING

Kebanyakan pendatang asing ke Malaysia adalah pekerja asing yang bekerja di lapangan terbang, restoran, stesyen minyak, pembantu rumah dan lain-lain. Bilangan mereka semakin bertambah dari tahun ke tahun. Pada tahun 2006, sebanyak 1,823,431 pendatang asing dari 22 buah negara dilaporkan berada di Malaysia. Dalam tahun 2008, sebanyak 2.01 juta pendatang asing dilaporkan. Pendatang asing ini adalah antara tenaga pekerja yang penting di Malaysia. Lima kumpulan teratas pendatang asing ini adalah orang Indonesia, Nepal, India (Pendatang dari India), Vietnam dan Bangladesh. Dengan jumlah yang sebesar ini, kita tidak dapat menyangkal bahawa mereka adalah 'jiran-jiran' kita di negara kita sendiri.

Bersama dengan pendatang asing ini adalah golongan pendatang asing tanpa izin. Kebanyakan golongan pendatang tanpa izin ini telah melarikan diri dari negara mereka kerana keadaan yang membahayakan keselamatan mereka. Walau bagaimanapun, mereka berhadapan dengan banyak masalah di Malaysia kerana kekurangan makanan, tempat perlindungan,

kewangan dan perlindungan undang-undang. Kita sebagai orang Kristian harus berdoa kepada TUHAN untuk melindungi mereka selama mereka berusaha untuk hidup di negara kita.

MENGASIHI ORANG-ORANG YANG KEHILANGAN TEMPAT TINGGAL DAN YANG SERBA KEKURANGAN

Kedua-dua golongan bumiputra asli dan pendatang asing ini memerlukan belas kasihan, doa dan pertolongan kita. Kebanyakan masalah dan pergumulan mereka tidak kelihatan oleh kita khususnya apabila kita tidak mempunyai masa untuk mengambil tahu hal mereka.

Tanyakan kepada diri anda sendiri...

Apa yang anda rasakan setelah anda tahu mengenai masalah tanah yang dihadapi oleh golongan bumiputra asli tersebut?

Cuba bayangkan sekiranya anda berada didalam situasi mereka. Apa yang anda rasakan? Menurut anda, apa yang mereka rasakan?

Anda boleh mengongsikan jawapan anda kepada kawan anda. Perhatikan sekiranya mereka memikirkan dan merasakan hal yang sama seperti yang ada fikirkan dan rasakan.

Tanyakan kepada diri anda sendiri...

Siapakah golongan pendatang asing yang anda lihat dan jumpa dalam kehidupan anda sehari-hari? Mereka mungkin terdiri daripada pengawal keselamatan yang bekerja di rumah anda. Mereka mungkin tukang cuci yang anda lihat di pusat membeli-belah atau di sekolah anda. Mereka mungkin pembantu rumah anda.

Apa yang anda rasakan mengenai mereka apabila anda melihat mereka setiap hari?

Sekiranya anda berada didalam situasi mereka, apa yang mungkin mereka rasakan?

Anda boleh mengongsikan jawapan anda kepada kawan anda. Perhatikan sekiranya mereka memikirkan dan merasakan hal yang sama seperti yang ada fikirkan dan rasakan.

Minggu ini kita berdoa kepada TUHAN untuk membantu kita memenuhi keperluan golongan bumiputra asli dan pendatang asing di negara kita.

Hari ke – 12 (2 Ogos, Ahad)

Mengambil berat terhadap negeri Sabah dan Sarawak

(Yesaya 60:1-2)

- Berdoa agar kerajaan Sabah dan Sarawak bertindak adil dan membawa manfaat kepada masyarakat di sana.
- Undang-undang yang adil dan yang melindungi hak-hak golongan bumiputra asli di sana.

Hari ke – 13 (3 Ogos, Isnin)

Mengingati keperluan gereja-gereja di Sabah dan Sarawak

(Yesaya 64:1-9)

- Berdoa agar TUHAN menggerakkan gereja-gereja-Nya di Sabah dan Sarawak untuk melakukan hal yang ingin Dia lakukan.
- Berdoa agar TUHAN memberi hikmat kepada pemimpin-pemimpin gereja dan pastpr-pastor di Sabah dan Sarawak sewaktu mereka cuba menyelesaikan masalah-masalah yang terjadi di dalam komuniti mereka.
- Orang-orang Kristian di Sabah dan Sarawak bangkit menyampaikan injil keselamatan kepada setiap suku kaum di sana.

Hari ke – 14 (4 Ogos, Selasa)

Membantu gereja-gereja di kawasan yang terpencil dan pekan-pekan kecil

(Kisah Para Rasul 20:35, 2 Korintus 9:8-15)

- Berdoa agar gereja-gereja di semenanjung Malaysia akan memberkati gereja-gereja di Sabah dan Sarawak dengan apa yang mereka miliki.
- Perlindungan dari TUHAN ke atas gereja-gereja yang tidak mempunyai jumlah pekerja dan keperluan yang tidak mencukupi khususnya di kawasan Pantai Timur semenanjung Malaysia dan pekan-pekan kecil.
- Gereja-gereja yang kecil akan bekerjasama dengan gereja-gereja di semenanjung Malaysia untuk mengasihi mereka yang memerlukan.

Hari ke – 15 (5 Ogos, Rabu)

Membantu orang asli di semenanjung Malaysia

(Yesaya 60:21-22)

- Doakan agar TUHAN memberkati dan melindungi Orang Asli di Malaysia
- Segala ketidak adilan terhadap suku Orang Asli akan dihentikan
- Kerajaan akan membantu mereka dengan jujur dan ikhlas.

Hari ke – 16 (6 Ogos, Khamis)

Gereja yang kuat diantara suku Orang Asli di semenanjung Malaysia

(Efesus 3:16-21)

- TUHAN akan membangkitkan pemimpin yang kuat, benar dan takut akan TUHAN di kalangan suku Orang Asli.
- Gereja-gereja akan menjadi kuat dalam Firman TUHAN dan membangkitkan pemimpin-pemimpin dikalangan mereka.
- Orang Asli yang beragama Kristian tidak mudah dipengaruhi dengan pengajaran yang palsu bahkan mereka akan mengetahui bahawa TUHAN sangat mengasihi mereka.

Hari ke – 17 (7 Ogos, Jumaat)

Gereja yang membantu pendatang asing di Malaysia

(Amsal 14:31; Amsal 19:17)

- Minta pengampunan dari TUHAN sekiranya kita pernah member layanan yang kurang baik kepada pekerja-pekerja asing ini.
- Umat Kristian akan membantu mereka dengan keperluan jasmani mereka.
- Umat Kristian akan membuka rumah mereka kepada pendatang asing ini dan mengambil berat akan hal mereka.
- Berdoa agar pendatang asing ini akan mengalami kasih TUHAN dan mencari-Nya lewat pelayanan orang Kristian disekitar mereka.
- Persekutuan pendatang asing ini akan bertumbuh kuat dan bertambah banyak.

Hari ke – 18 (8 Ogos, Sabtu)

Tanggungjawab kerajaan ke atas golongan pendatang asing

(Mazmur 72:1-4, 12-14; Yeremia 22:3)

- Segala layanan yang tidak adil ke atas pendatang asing akan dihentikan
- Kerajaan akan menjaga dan mengambil berat akan golongan pendatang asing ini.
- Hikmat kepada pihak berkuasa dalam menangani jenayah yang dimulakan oleh golongan pendatang asing ini.

MINGGU KE – 4 : HARI KE 19 – 25

BERDOA BAGI PIHAK DAPAT MELAKUKAN PERUBAHAN DIDALAM MASYARAKAT

BUDAK LELAKI DAN TAPAK SULAIMAN

Suatu hari, seorang lelaki sedang berjalan ditepi pantai. Saat dia memandangi ke arah pantai, dia melihat seorang yang sepertinya sedang menari. Didorong rasa ingin tahu, lelaki tersebut menuju ke arah orang yang sedang menari.

Semakin dia menghampiri, dia melihat seorang budak lelaki. Budak lelaki tersebut bukannya menari malah dia seperti sedang mengutip sesuatu dan melontarkannya ke laut. Saat dia mendekati budak lelaki tersebut, dia bertanya “Selamat pagi! Apa yang anda lakukan?” Budak lelaki tersebut berdiam sejenak dan menjawab, “Saya sedang melontar tapak sulaiman ke laut. Mungkin anda seharusnya bertanya “Mengapa melontarkan tapak sulaiman itu ke laut padahal matahari semakin naik dan air mulai surut. Jika saya tidak melontarkannya, mereka akan mati”.

“Tetapi, tidak kah anda sedar bahawa pantai ini cukup luas dan terdapat banyak sekali tapak sulaiman yang terdampar. Tindakan anda tidak mungkin membawa apa-apa perubahan!”

Budak lelaki itu hanya mendengar. Lalu dia kembali mengutip tapak sulaiman yang tinggal dan kembali melemparkannya ke laut lalu berkata “saya sudah melakukan suatu perubahan bagi yang satu itu”

Lelaki tersebut meninggalkan budak lelaki itu sambil berfikir dalam. Tidak lama setelah itu, lelaki tersebut kembali ke pantai tersebut dan menghabiskan harinya dengan membantu budak lelaki tersebut melemparkan tapak sulaiman itu kembali ke laut.

[dipetik dari : www.askalana.com/stories/starfish.shtml]

MELAKUKAN BAHAGIAN KITA

Pernahkah anda terfikir. “Tidak, saya tidak akan melakukannya, tiada apa-apa perubahan yang akan terjadi”

Lelaki yang dalam cerita tadi tidak melihat kepentingannya dalam membantu tapak sulaiman tersebut, namun budak lelaki tersebut tahu betapa pentingnya tindakannya itu.

Budak lelaki itu tahu walaupun dia tidak dapat menyelamatkan kesemua tapak sulaiman yang terdampar ditepi pantai, dia masih dapat melakukan sesuatu untuk membantu tapak sulaiman yang lain.

Minggu ini, kita berdoa agar terjadi perubahan di dalam masyarakat kita.

Berdoa bagi masyarakat kita seperti suatu tugas yang besar. Namun demikian, mari lah kita menjadi seperti budak lelaki dalam cerita tadi yang telah menyelamatkan beberapa tapak sulaima.

Dia kemungkinan akan menyerah kalah jika dia memikirkan cara untuk menyelamatkan kesemua tapak sulaiman yang terdampar di pantai. Tetapi dia menumpukan perhatian ke atas hal yang dapat dia lakukan, dan itulah yang harus kita lakukan.

Di dalam Firman Tuhan, ada juga seorang anak kecil yang melakukan hal yang besar, jumlah yang sangat besar yang tidak pernah dibayangkannya. Dia adalah anak kecil yang memiliki lima roti dan dua ikan yang diserahkan kepada Yesus. Dia tidak mungkin dapat member makan kepada ribuan orang pada waktu itu, tetapi itu tidak menghalangnya untuk member pada Tuhan. Dia melakukan bahagiannya dan menyerahkan bahagian yang lainnya pada Tuhan.

Sebagai orang Kristian, mari kita melakukan bahagian kita tanpa merasa kkuatir sama ada tindakan kita akan melakukan perubahan yang besar. Tiada yang mustahil! Kita memiliki ALLAH yang mengubah 'sedikit' menjadi 'banyak'. Kita hanya perlu bekerjasama dengan-Nya. Bersama dengan-Nya, kita akan melakukan perubahan.

Hari ke – 19 (9 Ogos, Ahad)

Mengambil berat tentang apa yang terjadi didalam masyarakat

(Ester 4:13-14)

- Mohon pengampunan dari TUHAN sekiranya anda tidak mengambil berat akan peristiwa yang terjadi disekitar anda.
- Minta dari TUHAN hati yang mengasihi dan mengambil berat akan apa yang berlaku disekitar anda.

Hari ke – 20 (10 Ogos, Isnin)

Berdoa bagi mereka yang memiliki kuasa

(1 Timotius 2:1-4, Amsal 14:34)

- Berkati pemimpin-pemimpin yang ada di Negara kita.
- Berdoa agar para pemimpin menggunakan kuasa mereka dengan cara yang betul.

Hari ke – 21 (11 Ogos, Selasa)

Undang-undang yang adil dan benar

(Amsal 8:14-16; Imamat 19:15)

- Berdoa agar ada keadilan didalam mereka yang menguatkuasakan undang-undang di Negara kita supaya mereka tidak takut untuk melakukan perkara yang benar dan tidak melakukan hal untuk kepentingan diri sendiri.
- Berdoa agar undang-undang di Negara kita akan kekal adil bagi semua orang.

Hari ke – 22 (12 Ogos, Rabu)

Berdoa bagi ahli politik Kristian atau pemimpin Kristian yang berkaitan dengan kemasyarakatan

(Yesaya 11:2-5)

- Orang Kristian yang terlibat didalam dunia politik akan berani untuk mempertahankan apa yang benar dan adil dan sanggup untuk membela mereka yang dalam kemiskinan, terabai, tersisih dan mereka yang diperlakukan dengan tidak adil.
- Berdoa agar TUHAN membantu ahli-ahli politik Kristian untuk melayani dengan kerendahan hati dan memelihara mereka dari melakukan hal yang tidak sepatutnya mereka lakukan.
- Turut doakan pekerja-pekerja Kristian yang bekerja didalam organisasi yang memajukan keadaan sosial di Negara kita.

Hari ke – 23 (13 Ogos, Khamis)

Umat Kristian terlibat dalam khidmat kemasyarakatan

(Yesaya 42:1, 6-8)

- TUHAN akan membangkitkan lebih ramai orang Kristian yang berkhidmat untuk masyarakat
- Hikmat dan kekuatan dari TUHAN akan memenuhi mereka yang berkhidmat bagi masyarakat.
- Gereja TUHAN akan berani menentang ketidak adilann dan penindasan ke atas golongan yang memerlukan.

Hari ke – 24 (14 Ogos, Jumaat)

Meminta TUHAN menghapuskan segala yang menghalang sesuatu perubahan terjadi

(Yesaya 57:14-15)

- Mohon pengampunan dari TUHAN kerana kita sukar untuk mengubah sesuatu walaupun ianya hal yang patut dilakukan dan menganggap hal itu sebagai membebankan.
- Umat Kristian tidak akan menjadikan wang atau hal-hal lain sebagai yang utama didalam hidup mereka selain TUHAN.
- Berdoa menentang segala perkara yang menghalang terjadinya perubahan yang baik di dalam kehidupan orang yang memerlukan.

Hari ke – 25 (15 Ogos, Sabtu)

TUHAN akan membawa perubahan didalam Negara kita

(Yesaya 40:3-5)

- Berdoa agar TUHAN membawa perubahan yang positif di dalam kehidupan, bermula dari diri kita dan orang disekitar kita dan Negara kita.
- TUHAN akan memberkati usaha kita untuk Negara kita apa pun yang kita lakukan akan memberi kesan yang besar kepada Negara kita.
- TUHAN akan melindungi kita saat kita terlibat dengan hal-hal kebajikan dan khidmat masyarakat.

MINGGU KE – 5 : HARI 26 – 32

Berdoa untuk keadilan dan teladan yang baik

MENGAPA TERANG ITU SANGAT PENTING?

Adakah anda tahu mengapa?

Tanpa terang, tidak akan ada penglihatan.

Manusia dan haiwan boleh melihat sesuatu objek kerana ianya memantulkan cahaya. Apabila cahaya tersebut masuk ke dalam mata kita, ianya menghantar isyarat ke otak kita. Otak kita menerima isyarat tersebut dan mentafsirkan maklumat yang diterima lalu memberitahukan kepada kita apakah objek tersebut. Proses ini agak merumitkan namun ianya tidak mungkin terjadi jika tidak ada cahaya.

Jika anda mematikan lampu di dalam bilik anda untuk seketika dan menampal kertas hitam di tingkap-tingkap anda, anda pasti tidak dapat melihat apapun di dalam bilik tersebut. Walaupun ada objek, mata dan otak anda yang berfungsi, anda hanya melihat kegelapan kerana tidak ada cahaya.

Pada hakikatnya, tanpa cahaya, kita tidak mungkin dapat dilihat oleh orang lain. Salah satu sebab mengapa orang lain dapat melihat kita adalah kerana kita memantulkan cahaya yang bersinar dari matahari.

[dipetik dari: www.glenbrook.k12.il.us.GBSSCI/PHYS/CLASS/refln/u1311a.html]

MEMANTULKAN SINAR DARI TUHAN

Sama seperti dunia kita yang memerlukan cahaya matahari, dunia juga memerlukan sinar kemuliaan TUHAN. Firman TUHAN mengatakan bahawa Dia adalah terang. Jika kita tidak memancarkan sinar-Nya, dunia tidak akan dapat melihat TUHAN dan berkata :

Kamu adalah terang dunia. Kota yang terletak di atas gunung tidak mungkin tersembunyi. Lagipula orang tidak menyalakan pelita lalu meletakkannya di bawah gantang, melainkan di atas kaki dian sehingga menerangi semua orang di dalam rumah itu. Demikianlah hendaknya terangmu bercahaya di depan orang, supaya mereka melihat perbuatanmu yang baik dan memuliakan Bapamu yang di sorga."-Matius 5:14-16

Sebagai terang dunia, kita tidak patut menyembunyikan cahaya kita. Siapa yang menyalakan pelita dan meletakkannya dibawah mangkuk? Pasti cahaya dari pelita itu tiada gunanya. Apa yang harus dilakukan adalah meletakkan pelita tersebut pada tempat yang tinggi agar semua orang di dalam rumah dapat melihatnya. Jika kita menyembunyikan cahaya kita, tidak akan ada penglihatan. Dunia tidak akan dapat melihat TUHAN yang ada di dalam kita. Bila kita melakukan perkara yang baik, orang lain akan melihat kebaikan kita dan memuliakan Bapa di syurga.

Jadi anak-anak, jangan sembunyikan cahaya anda, lakukan yang benar dan biarlah cahayamu terus bersinar!

Doakan doa ini :

BERJALAN DIDALAM TERANG

*Curahkan Roh-Mu ke atas ku ya Bapa,
Agar aku dapat berjalan dalam terang-Mu
Agar Engkau menetapkan langkah-langkahku
Agar Engkau menunjukkan jalan yang harus aku jalani
Agar aku berjalan didalam rencana-Mu yang sempurna
Agar aku dapat jalani hari-hari yang telah Engkau sediakan
Agar aku dapat membawa kemuliaan bagi nama-Mu
Agar aku menjadi terang dan bejana bagi kasih dan kemuliaan-Mu
Agar semua orang dapat melihat dan memuliakan Bapa-ku yang disyurga
Kerana segala perbuatan-Nya
Dan Engkau yang terbesar, ditinggikan di aras segala nama
Layak menerima segala pujian!*

Minggu ini, kita akan berdoa untuk mereka yang mahu menjadi teladan yang baik bagi Negara kita dengan melakukan hal yang benar dan di hadapan TUHAN dan manusia.

Hari ke – 26 (16 Ogos, Ahad)

Gereja membawa terang dan kebenaran

(Kolose 1:10-14)

- Mohon pengampunan dari TUHAN sekiranya kita tidak jujur dan benar dengan apa yang kita perbuat.
- Mohon pengampunan untuk segala kesalahan kita.

Hari ke – 27 (17 Ogos, Isnin)

Nilai moral dan sikap yang baik.

(Amos 5:24)

- TUHAN akan berbicara kepada hati para pemimpin Negara kita untuk berpegang teguh pada nilai moral mereka dan menjauhkan diri dari sikap yang buruk dan ketidak jujuran.
- Berdoa untuk semua pekerja kerajaan agar mereka memiliki nilai moral yang baik.
- Berdoa untuk masyarakat Malaysia agar menghargai nilai moral dan kelakuan yang baik.

Hari ke – 28 (18 Ogos, Selasa)

Umat Kristian yang memiliki kuasa akan menentang ketidakadilan dan ketidak jujuran.

(Mikah 6:8, Keluaran 23:7-8)

- Umat kristian yang mempunyai kuasa didalam kerajaan sama ada mereka terdiri daripada ahli politik atau pegawai kerajaan, agar mereka menentang segala ketidakadilan dan ketidak jujuran.
- Mereka akan menghidupi nilai moral yang tinggi
- Umat Kristian akan berani bersuara dan menentang segala tindakan yang tidak adil dan tidak jujur.

Hari ke – 29 (19 Ogos, Rabu)

Setiap umat Kristian menentang ketidakadilan dan ketidakjujuran

(Filipi 2:12-16)

- Umat Kristian akan menjadi orang-orang yang jujur, adil dan melakukan hal yang benar.
- Lebih ramai orang Kristian yang akan bangkit untuk menentang ketidakadilan dan ketidakjujuran di setiap bahagian kehidupan.
- Berdoa untuk orang Kristian yang sudah melakukan hal demikian, agar gereja-gereja akan menyokong mereka dan usaha mereka.
- Berdoa agar segala usaha mereka akan berhasil.

Hari ke – 30 (20 Ogos, Khamis)

Berdoa pegawai kerajaan untuk menentang ketidakadilan dan ketidakjujuran

(Amsal 6:35, Mazmur 26:11-12)

- Mereka akan terus mendedahkan segala ketidakadilan dan ketidakjujuran di dalam Negara.
- Mereka akan bertanggungjawab dan melakukan tugas mereka tanpa ketakutan dan kepentingan diri.
- Masyarakat didalam Negara kita akan bekerjasama dengan pihak berkuasa untuk menentang segala ketidakadilan di dalam semua aspek kehidupan.

Hari ke – 31 (21 Ogos, Jumaat)

Ahli perniagaan yang beragama Kristian akan bertindak jujur dan bertanggungjawab

(Mazmur 37:23-29, Yesaya 60:5)

- Mereka akan bebas dari segala ketamakkan dan hal yang tidak benar.
- Mereka akan bertindak jujur dalam perniagaan mereka agar mereka menjadi garam dan terang di manapun mereka berada.
- Mereka akan bertanggungjawab dengan kewangan mereka dan menggunakannya untuk TUHAN.

Hari ke – 32 (22 Ogos, Sabtu)

Keadilan dan kesaksamaan akan kembali ke semua area di dalam Negara.

(Mazmur 89:14-18)

- Keadilan dan kesaksamaan keatas masyarakat akan kembali ke semua area di dalam Negara kita.
- Kekayaan Negara akan dinikmati dan dikongsikan oleh semua orang dan bukan sahaja mereka yang kaya dan berkuasa.

MINGGU KE – 6 : HARI KE 33 -40

Berdoa untuk keselamatan dan keadilan di Malaysia

MELIHAT DENGAN KASIH

Bapa, berikan pada kami visi untuk melihat Negara kami melalui mata-Mu...

Tanah di mana mereka yang lemah akan terpelihara dan tidak ada yang dalam kelaparan tau kemiskinan; tanah dimana segala manfaat kehidupan akan dikongsikan bersama dan setiap orang dapat menikmatinya; tanah dimana setiap suku bangsa dan budaya akan hidup dalam keharmonian dan persefahaman; tanah dimana ada keamanan dan keadilan yang digerakkan dengan kasih.

Dan berikan kepada kami inspirasi dan semangat untuk melakukannya. Dalam nama Yesus.

Amen.

[dipetik dari: www.invitationtoprayer.org/prayers_justice.html]

Diminggu terakhir dari doa puasa ini, marilah kita melipat gandakan tenaga kita dalam doa!

Apabila seorang pelari bertanding didalam suatu pertandingan, walaupun kepenatan, disaat mereka melihat garis penamat, mereka akan mempercepatkan larian mereka secepat yang mungkin. Jadi, seperti seorang atlit dalam suatu pertandingan, mari kita berdoa dengan sepenuh hati dan kekuatan kita minggu ini. Arahkan mata anda pada garis penamat.

Minggu ini, apa yang kita doakan akan merangkumi Negara kita secara menyeluruh. Kita akan berdoa bagi keselamatan dan keadilan di Malaysia.

Mari kita berdoa didalam hati kita untuk Malaysia!

Hari ke – 33 (23 Ogos, Ahad)

Umat Kristian menjadi masyarakat yang bermoral tinggi.

(Titus 2:6-8; 2 Timotius 2:22)

- Umat Kristian akan selalu bersedia sebagai seorang hamba TUHAN untuk menunjukkan teladan kepada orang disekitar kita agar sinar kemuliaan TUHAN terpancar.
- Pihak berkuasa akan memiliki hikmat dan keinginan untuk menghentikan setiap masalah di dalam masyarakat kita. Mereka akan “membersihkan” masyarakat kita dari segala “kekotoran”.
- Generasi muda akan mengikuti Kristus dan nilai-nilai Kristus dan meninggalkan pengaruh yang jahat.

Hari ke – 34 (24 Ogos, Isnin)

Institusi keluarga yang kuat supaya terjadi pemulihan di dalam Negara kita.

(Kejadian 12:3b; Kolose 3:18-21)

- Keluarga akan menjalani hidup yang benar dihadapan TUHAN dan memiliki nilai-nilai Kristus.
- Keluarga Kristian akan menjadi teladan yang baik dimanapun mereka berada – di sekolah, di rumah dan ditempat kerja.
- Keluarga Kristian akan bangkit menjadi kuat dalam doa agar keluarga dan Negara kita akan berubah pada masa yang akan datang.
- Roh Kudus akan mengurapi ibubapa agar mereka berhikmat dan memulihkan hubungan antara ibubapa dan anak.

Hari ke – 35 (25 Ogos, Selasa)

Mengambil berat kepada sanak saudara terdekat.

(Ulangan 5:16; 1 Timotius 5:3-4)

- Mohon pengampunan dari TUHAN sekiranya kita tidak mengasihi sanak saudara kita khususnya mereka yang tua.
- Minta dari TUHAN untuk menjaga sanak saudara kita yang lanjut usia, mereka yang tidak dijaga oleh ahli keluarga mereka.
- Semua ahli keluarga kristian akan menjaga mereka yang sakit atau mereka yang tidak dijaga oleh ahli keluarga mereka.
- Keluarga Kristian akan menjadi teladan yang baik kepada komuniti mereka.

Hari ke – 36 (26 Ogos, Rabu)

Pendidikan akan menjadi efektif dan adil

(Amsal 22:6)

- Pendidikan didalam Negara kita akan menjadi efektif dalam mempersiapkan generasi muda kita untuk menjadi produktif dan orang yang berguna.
- Segala ketidakadilan didalam pendidikan yang menimbulkan perasaan tidak senang antara pelajar dari berlainan suku bangsa akan dimansuhkan.
- Para pelajar, guru dan pekerja disekolah akan bersatu.
- TUHAN akan membangkitkan orang Kristian yang mengasihi TUHAN bekerja di sektor pendidikan agar mereka membawa pengaruh kepada orang disekitar mereka dengan kebaikan, keadilan dan nilai yang baik.

Hari ke – 37 (27 Ogos, Khamis)

Kerajaan akan terfokus dalam membantu masyarakat

(Mazmur 2:8)

- Kerajaan akan membangun dan membantu masyarakat.
- Hak setiap rakyat Malaysia akan terpelihara.
- Kerajaan akan mengambil berat ke atas semua rakyat Malaysia.

Hari ke – 38 (28 Ogos, Jumaat)

Berdoa menentang segala bentuk keagamaan yang ekstrim

(Mazmur 11:4-6)

- Segala bentuk keagamaan yang menggugat keseimbangan dan menghancurkan Negara kita akan dihalang oleh pihak kerajaan.
- Setiap kumpulan keagamaan dan bangsa akan saling menghormati satu dengan yang lain, menerima perbezaan yang ada dan hidup dalam keharmonian.

Hari ke – 39 (29 Ogos, Sabtu)

Umat Kristian akan berjaga atas Negara.

(Yesaya 62:6-7; Amos 9:13)

- Setiap orang Kristian akan bangkit dan berjaga atas Negara ini.
- Setiap orang Kristian akan mula berdoa dengan sungguh-sungguh agar terjadi kebangunan rohani di Malaysia.
- TUHAN akan membangkitkan orang-orang untuk bersedia menerima kebangunan rohani di Malaysia.

Hari ke – 40 (30 Ogos, Ahad)

Merayakan hari kemerdekaan dan berdoa bagi masa depan Negara

(Bilangan 6:25; Yesaya 62:1-4)

- Bersyukur kepada TUHAN diatas keamanan, keharmonian dan kebebasan yang Negara kita alami selama 52 tahun. TUHAN akan merahmati kita sehingga kita dapat terus hidup dalam keadaan aman dan damai.
- Berdoa agar masa depan Negara dibangun atas keadilan dan ketulusan. TUHAN, jadikan gereja-Mu sebagai saluran berkat bagi Malaysia.
- Bergabunglah dengan perarakan doa yang berlangsung diseluruh Negara pada mala mini; berdoa agar hadirat TUHAN menjadi nyata dan menyentuh banyak jiwa!

SELAMAT MENYAMBUT HARI KEMERDEKAAN! ANDA BERJAYA! SYABAS!

Ianya merupakan perjalanan 40 hari yang cukup lama, mendoakan setiap perkara doa setiap hari, minggu demi minggu. Bukan hal yang mudah namun syabas! Anda Berjaya melakukannya.

Banyak perkara yang telah anda doakan selama 40 hari yang lalu. Sebagai kesimpulan, anda telah...

- Berdoa agar umat Kristian akan bersatu.
- Berdoa bagi mereka yang memerlukan : - golongan miskin, mereka yang tersisih, suku kaum bumiputra asli dan pendatang asing.
- Berdoa untuk Negara agar mengambil berat kepada mereka yang memerlukan: - Bagi mereka yang memiliki kuasa untuk melakukan perubahan di dalam masyarakat.

Setelah program doa puasa ini, janganlah kita melupakan apa yang telah kita lakukan. Teruskan berdoa untuk kumpulan-kumpulan ini. Ini hanyalah permulaan yang akan menyemarakkan api kebangunan rohani didalam hati kita dan didalam hati Negara kita. Teruslah bersinar.

Berkat TUHAN menaungi anda, saudara dan saudariku di dalam Kristus Yesus.